



Noregs
vassdrags- og
energidirektorat

adresseliste

Vår dato: **16 SEPT 2013**
Vår ref.: 201204964-10 ksk/biwi
Arkiv: 312
Dykkar dato:
Dykkar ref.:

Sakshandsamar:
Birgitte M. W. Kjelsberg 22 95 90 32

Tinfos AS – Søknad om løyve til å byggje Jordalen kraftverk i Voss kommune, Hordaland fylke – høyring

NVE har motteke ein søknad frå Tinfos AS datert 14.01.2014, om løyve til å byggje Jordalen kraftverk i Voss kommune.

Kraftverket vil nytte eit fall på 86 m i Jordalselvi. Inntaket er planlagt på 508 moh og kraftstasjon på høgde 422 moh. Vassvegen er 1288 m og planlagt nedgrave i grøft. Det er behov for om lag 200 m ny veg. Middelvassføringa er 4,65 m³/s og kraftverket er planlagt med ei maksimal slukeevne på 10,2 m³/s. Kraftverket vil ha ein installert effekt på 7,2 MW og etter planane gje ein produksjon på 16,2 GWh. Det er planlagt ei minstevassføring på 1,32 m³/s i sommarsesongen og 0,26 m³/s resten av året.

Det er òg søkt om løyve etter energilova for bygging og drift av Jordalen kraftverk med tilhøyrande koplingsanlegg og kraftline.

Søknaden skal handsamast etter reglane i kap. 3 i vassressurslova og gjeld løyve etter vassressurslova § 8. Søknaden med vedlegg vert lagt ut på www.nve.no/konsesjonssaker, og den vert kunngjort av NVE. Kopi av kunngjeringa ligg ved. Viss de ønskjer papirutgåve av søknaden, kan de kontakte Truls Skeie på tlf. 90 19 71 69 eller e-post: truls.skeie@tinfos.no.

NVE ber Voss kommune leggje to eksemplar av søknaden ut til offentleg ettersyn Voss bibliotek og servicetorget fram til **2.12.2013**. Det eine eksemplaret kan, om naudsynt, lånast ut for kortare tid (2-3 dagar). Det andre må ikkje fjernast frå utleggingsstaden.

Vi syner elles til vedlagde informasjonsark som forklarar sakshandsaminga frå saka vert sendt på høyring til endeleg vedtak. Av dette går det fram kva for tilbakemelding vi ønskjer.

NVE føretrekkjer at fråsegner sendast oss elektronisk via www.nve.no/konsesjonssaker så snart som mogeleg og seinast innan **2.12.2013**. I tillegg kan ein sende fråsegner per e-post til nve@nve.no eller per post til: NVE, Konsesjonsavdelinga, Postboks 5091 Majorstua, 0301 Oslo.

E-post: nve@nve.no, Postboks 5091, Majorstuen, 0301 OSLO, Telefon: 09575, Internett: www.nve.no
Org.nr.: NO 970 205 039 MVA Bankkonto: 7694 05 08971

Hovedkontor
Middelthunsgate 29
Postboks 5091, Majorstuen
0301 OSLO

Region Midt-Norge
Vestre Rosten 81
7075 TILLER

Region Nord
Kongens gate 14-18
8514 NARVIK

Region Sør
Anton Jenssensgate 7
Postboks 2124
3103 TØNSBERG


Region Vest
Naustdalsvn. 1B
Postboks 53
6801 FØRDE


Region Øst
Vangsveien 73
Postboks 4223
2307 HAMAR



Fråsegner eller delar av fråsegna vert referert i eit endeleg vedtak. Om fråsegna er lang, er det difor ein fordel om det utarbeidas eit samandrag som kan brukast til dette.

Med helsing


Øystein Grundt
seksjonssjef


Birgitte M. W. Kjelsberg
overingeniør

Vedlegg: 4 Søknad til kommunen
Kunngjeringstekst
Informasjonsark
Adresseliste

Adresseliste for: Bygging av Jordalen kraftverk

Handsamast etter: Vassressurslova og energilova

Vert kunngjort av NVE ved CIA Media Marketing 1 gong i: Hordaland og Bergens Tidene

Tal på søknadar	Namn/adresse
5	Voss kommune, Boks 145, 5701 VOSS
	Fylkesmannen i Hordaland, Postboks 7310, 5020 BERGEN
	Hordaland fylkeskommune, Postboks 7900, 5020 BERGEN
	Statens vegvesen, Region vest, Askedalen 4, 6863 LEIKANGER
	BKK NETT AS, Postboks 7050, 5020 BERGEN
	Voss Energi AS, Postboks 205, 5702 VOSS
	FNF Hordaland, v/Bergen Turlag, Tverrgt. 4/6, 5017 BERGEN
	Naturvernforbundet i Bergen og Hordaland, Postboks 1201 Sentrum, 5811 BERGEN
	NJFF Hordaland, Tverrgt. 4/6, 5017 BERGEN
	Voss Utferdslag, Postboks 55, 5701 VOSS
	Villreinnemda for Nordfjella og Fjellheimen, v/Siri Bøthun, Naturforvaltning, 6896 FRESVIK
	Norges Padleforbund, Serviceboks 1 Ullevål stadion, 0840 OSLO
	Norsk Ornitologisk Foreining avd. Hordaland, Boks 280, 5751 Odda
1	TBM –RV Katarina Eftevand
1	TBD – Oddvar Indrebø
1	ER – Seming Skau

Kopi: Tinfos AS, v/Truls Skeie, O H Holtasgate 32, 3678 NOTODDEN

- KUNNGJERING -

Søknad om løyve til å bygge Jordalen kraftverk i Voss kommune

Tinfos AS søker om løyve etter vassressurslova til å byggje Jordalen kraftverk i Jordalselvi, Småkraftverket vil gje ein årleg kraftproduksjon på 16,2 GWh. Dette svarar til straumbruken til om lag 810 husstandar. Søknaden skal handsamast etter reglane i kap. 3 i vassressurslova og gjeld løyve etter vassressurslova § 8.

Søknaden med vedlegg er lagt ut til offentleg ettersyn på Voss bibliotek, servicetorget og på NVE sine nettsider www.nve.no/konsesjonssaker fram til høyringsfristen går ut. Om du ønskjer papirutgåve av søknaden, ta kontakt med Truls Skeie på tlf.: 90 19 71 69 eller e-post: truls.skeie@tinfos.no. Fråsegn kan sendast oss elektronisk via www.nve.no/konsesjonssaker, per e-post til nve@nve.no eller per post til: NVE, Konsesjonsavdelinga, Postboks 5091 Majorstua, 0301 Oslo innan **2.12.2013**.

Fråsegner eller delar av fråsegna vert referert i eit endeleg vedtak. Om fråsegna er lang, er det difor ein fordel om det utarbeidas eit samandrag som kan brukast til dette.



Norges
vassdrags- og
energidirektorat

NVE

ORIENTERING TIL HØYRINGSPARTANE (revidert februar 2013)

Generelt

NVE er konsesjonsstyresmakt i saker som gjeld utbygging av småkraftverk (inntil 10 MW) og andre vassdragstiltak. Kongen i statsråd gir løyve til større kraftutbyggingar.

Denne orienteringa gjeld saker der NVE kan gi løyve etter vassressurslova § 8.

Handsaming av søknaden fram til endeleg vedtak

NVE handsamar dei fleste av søknadane i grupper, vanlegvis etter geografisk plassering. Dette effektiviserer sakshandsaminga samstundes som høyringspartane og NVE kan sjå søknadane i samanheng.

NVE sender søknadane på høyring til kommunar, fylkesmenn, fylkeskommunar, statlege forvaltingsorgan og interesseorganisasjonar som søknadane vedkjem. Høyringsperioden er vanlegvis tre månader for søknadar som blir handsama gruppevis, og minst seks veker for enkeltsaker. Ein eventuell søknad om utsett frist må vere grunngeven. NVE ventar at høyringspartane gir fråsegn på sjølvstendig grunnlag. Vanlegvis blir det ikkje gitt løyve til søknad om utsett frist, dersom det kan forseinke sakshandsaminga.

Søkjar får høve til å kommentere innkomne fråsegner før NVE gjennomfører synfaring. Dei som har uttalt seg i samband med høringa, blir inviterte til å delta på synfaringa. I konsesjonsvurderinga veg NVE fordelar og ulemper mot kvarandre, jf. vassressurslova § 25. Olje- og energidepartementet har som overordna politisk styresmakt gitt retningslinjer for handsaming av små vasskraftverk. Desse er å finne på NVE sin nettstad: nve.no.

Dersom NVE gir løyve, blir det knytt vilkår til dette, jf. vassressurslova § 26. Vilkår vil omfatte mellom anna vasslepp, naturforvaltning, kulturminne, frist for bygging og sanksjonar ved eventuelle brot på vilkåra.

Kva forventar NVE av høyringspartane?

NVE ønskjer mest mogleg konkrete synspunkt på om løyve bør bli gitt eller ikkje, val av eventuelle alternativ og forslag om avbøtande tiltak. Fråsegner om energipolitikken til styresmaktene på eit generelt grunnlag, er av avgrensa nytte i sakshandsaminga.

Særleg der søknader blir handsama i grupper, ønskjer NVE synspunkt på den samla belastninga.

Dersom partane er kjend med tilhøve som det ikkje er opplyst om i tilstrekkeleg grad i søknaden, ønskjer NVE opplysningar om det.

Det blir forventa at kommunar, fylkeskommunar, fylkesmenn og andre styresmakter gir fråsegn med utgangspunkt i sine høvesvise ansvarsområde. Kommunane blir spesielt bedne om å vurdere søknadane opp mot gjeldande arealplanstatus.

Fråsegnene, opplysningane i søknaden og retningslinjene frå Olje- og energidepartementet er viktige for vurderinga og vedtaket til NVE.

Rett til motsegn og klage

Ein treng ikkje handsama energianlegg etter plan- og bygningslova, og det er ikkje lenger krav om reguleringsplan. For å ta vare på meininga bak motsegnsinstituttet i plan- og bygningslova, er det gitt reglar i energi- og vassdragslovgjevinga om rett til motsegn og klage, jf. vassressurslova § 24. NVE vil understreke at ei eventuell motsegn må bli fremja i høyringsperioden. Sjå nettstaden vår for meir informasjon: nve.no/konsesjoner.

Partane kan klage på NVE sitt vedtak til Olje- og energidepartementet innan 3 veker frå det tidspunkt dei mottok orientering om vedtak. NVE syner til kapittel VI i forvaltningslova om klage og omgjerding.